

Aalisakkat akiinut naleqqersuutit


Kinguppaat akii 2014-ip kvartalip pingajuani qaffariarput

Kalaallit Nunaanni Naatsorsueqqissaartarfiup maanna aalisakkat akiinut naleqqersuutit 2014-mi kvartalip pingajuanut tunngasut saqqummersippai. Aalisakkat tassaapput kinguppanni, qaleralinni saarullinnillu tunisassiat, 2010-mut oqimaalutarneqartut.

Agguaqatigiissillugu kiilumut akinik naleqqersuutinnik naatsorsuinermi nunatta avammut niuernerani akit annertunerusumik atorneqarput, ilaatigut tunisassiortut anginerit akigititaannik tapertaqartarlutik. Tassa akinik naleqqersuutit Kalaallit Nunaanniit annissinermi akigitinneqartoq atorneqarluni.

Aalisakkat naleqqersuinermi taaneqartut oqimaassusiisa katinneri 2010-mi oqimaalutaaneq malillugu oqimaalutarineqarput. Taamaasilluni naleqqersuummut oqimaalutaq aaliangersimasoq Laspeyres-mi taaneqartartoq atorneqarluni.

Aalisakkat pingasut naleqqersuutaat (2010=100)



2014-mi kvartalip aappaanut naleqqiullugu akinut naleqqersuutit ima nikeriarsimapput:

- Kinguppaat akii 2014-mi kvartalip pingajuani 7 pct.-p missaani qaffariarput.
- Qalerallit akii 2014-mi kvartalip pingajuani nikinngillat.
- Saarullit akii 2014-mi kvartalip pingajuani 2 pct.-p missaani qaffariarput.

Kalaallit Nunaanni Naatsorsueqqissaartarfiup nittartakkamini <http://bank.stat.gl/FIN009> –mi tamanut saqqummiussaani naleqqersuutit ineriartorneri takuneqarsinnaapput.

Paasisaqarnerorusukkaanni saaffigineqarsinnaavoq siunnersortimut Lars Geraae e-mail-kut lage@stat.gl imaluunniit oqarasuaatikkut 34 57 87 (toqqaannartoq).

Inussiarnersumik inuulluaqqusillunga

Lars Geraae
Siunnersorti